

կատարեալ ուսումնասիրութիւնն այժմ դեռ կարելի չէ: Եւ եթէ հիմա նորից ձեռնարկում ենք այդ, այդ միայն նրա համար, որ կարծում ենք ժամանակ է այս խնդիրն անուշադիր չթողնել»<sup>1</sup>:

Ապա շեշտելով նոր փոփոխակների կարևորութիւնը շարունակում է. «Ժողովրդական պատմութեան, առանձնապէս վէպի վերաբերեալ ոչ մի բան անուշադիր չպիտի թողնել: Ինչքան էլ նման պատմութեան տպուած լինին, նոր պատմութեան միշտ մի որ և է նորութիւն, կեանքի մի գիծ, սովորութիւն կամ հաւատալիք, ժողովրդական մի նոր աշխարհայեցողութիւն և այլն մէջ կը բերէ: Էլ չենք ասում թէ նոր պատմութեան մէջ կարող են այս կամ այն դիպուածը փոքր ինչ ուրիշ տեսակ պատմութեան լինել՝ որով մի պատմական յիշողութիւն կամ առասպել աւելի կարող են պարզուել: Որքան էլ ազատութեան և աննշան երևան և նոյն իսկ անխմաստ թուին վէպի պատմութեանը,—ինչպէս և ամեն ժողովրդական բանահիւստութեան արդիւնք,—գարձեալ ունեն իրենց արժէքը: Մի բռտ, մի խօսք մի յատուկ անուն լոկ կարող է երբեմն բանալ ուսումնասիրութեան առաջ մի ամբողջ պատմական դիպուած, մի հնացած պատմական երևոյթ և աւելի ևս հասկանալի դարձնել վէպը: Կատարեալ ուսումնասիրութեան համար ոչ մի պատմութեան անուշադիր չպիտի թողնել, ուստի և անհրաժեշտ է, որ շատ տեղերի և բազմաթիւ պատմութեանը ունենանք»<sup>2</sup>:

Ընդունելով հանդերձ այս դիտողութեանց ճշտութիւնը պէտք է սակայն խնայել և ժամանակն ու աշխատանքը. և նոյն իսկ ուսումնասիրութեան գործը դիւրացնելու համար մենք պէտք է փոփոխակների ընտրութիւն անենք ամեն կողմից և լոյս ընծայենք նոր փոփոխակներից այն, ինչ որ նոր է կամ տարբեր, բաց թողնելով այն՝ ինչ որ անարժէք է. օրինակ կրկնութիւն նախընթաց փոփոխակների, ուրեմն կրճատումներով, որի համար սակայն քաջ հմտութիւն անցեալ փոփոխակների ինչպէս և զգուշութիւն է պէտք: Այս տեսակէտով մենք աւելորդ ենք համարում Տ. Չթունու Կարկառու բարբառի փոփոխակին կից գրական լեզուով թարգմանութիւնը. դժուար հասկանալի բարբառների համար պէտք է կամ ծանօթութիւններով և կամ լաւագոյն ևս կցուած բառարանով բաւականանալ:

Այնուհետև մոռանալու չէ լեզուն ու գրական արժէքը: Հայերէնի լեզուագիտական ուսումնասիրութեան մեծ զարգ կը տայ բարբառների ուսումնասիրութիւնը, որ մեղմում անցեալ զարու վերջերից սկսուել է, ուստի ցանկալի էր Զոջանց տան

1. Ազգադր. Հանդէս XIII. էջ 45:

2. Անդ. XIII, էջ 46: